

եան՝ գրադիր նախ Ոսկան Արսէնեանի քով ապա առանձին վաճառական, Սիմոնիկ Պապաեան՝ նախ իր գործերէն մէջ ապա Աստարծեանց քով, Յակոբ Գաւաֆեան՝ Թովալեանց քով, Երուանդ Շիրինեան՝ Կիւքրիսթ Կ. Թիրեաքեանի քով :

Մանիֆաթուրայի վերոյիշեալ վաճառականներու տարբեր գործառնութեանց մէջ՝ կը փայլէին սեղանաւորութեամբ և մեծ վաճառականոթեամբ (չուխայի, փայտի և արմտիքի) Ունճեան Մաթուս և Արիկ եղբայրներն ու Գրիգոր Գարակէօղեան, որ ի սկզբանէ սեղանաւորութեան և կալուածատիրութեան մէջ երեւելի եղաւ և ձգեց մեծ հարստութիւն, ունեցաւ նաեւ հանրական իրողութեանց մէջ գործնական մասնակցութիւն, Ֆրէնկեան եղբարք, Յովհաննէս Կիւմիւշեան սեղանաւոր, Սահակ Գարաեան՝ փայտի և ածուխի վաճառական, Թահտապուրուն եղբարք, Հարենց Նշան, Պետրոս Քարակէօղեան՝ վաճառական ցորենի, Աղարեան եղբարք՝ վարիչ մեծ դրամագլուխի, Բարաղտմեան Թորոս և Տէգրան՝ սեղանաւոր, Կիւզէլ Հաճեան՝ նոյնպէս, Հարենց Արրահամ և Մարտիրոս ու Գառնիկ որդիք, Սիմէոն և Սեպուհ պէյ Մագսուտ՝ սեղանաւոր, Հարենց Մագսուտ, Չրաճեան Յարութիւն, Ներսէսեան Գրիգոր՝ կառուցապետական գործավար արքունի, դրամատէր ու կալուածատէր, Նորատունկեան Յակոբիկ, Պէյլէրեան Յակոբ, Փափազեան Գէորգ և Մկրտիչ՝ վարիչ ապահովութեան սնտուկին 'ի Մեծ-Նոր խան, Իկիտպաշտան Ասապա, Գարամանեան Յարութիւն և Թաճեան Սարգիս՝ սեղանաւորք, Սմբատեան Մանուկ՝ վաճառական ու մեծ կալուածատէր :

